



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**MOPHATO 12**

**SETSWANA PUO YA GAE (HL)**

**PAMPIRI YA BOBEDI (P2)**

**TLHAKOLE/MOPITLWE 2011**

**MEMORANTAMO**

**MADUO: 80**

**Memorantamo o, o na le ditsebe di le 21.**

**KAROLO YA A: POKO*****Maboko a Setswana – MK Mothoagae*****POTSO 1 (POTSO YA TLHAMO)**

**ELA TLHOKO:** Mo tlhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 10 go tshwaya tlhamo ya motlhatlhojwa.

**LOSO – LD Raditladi**

- Ga ke beye loso sebete gonne le tla ka tse di sa jeseng diwelang. Fa motho a utlwela loso ga a iketle gonne a atelwa ke letshogo, a felelwa ke maatla, a nnela selelo mme a tsewe ke sediidi ka ntlha ya go latlhegelwa ke yo a mo ratang. Le fa go ntse jalo, motho a boe a ikgomotse gonne go diregile thato ya Modimo. A amogele mme a ikgomotse gonne go se kitla go dirololwa, mme a amogele gore ke nako ya gore motho yoo a re tlogele ka re ne re mo adimilwe.
- Ga go ope yo o ka tshabelang loso gonne lo le mo lobopong lotlhe. Lo fitlhelwa mo bathong, diphologolong le mo dimeleng. Tota ruri e kete go ka bo go kgonega gore motho a itse gore nako ya gagwe ya go swa e tla leng mme a tle a ikopele go okelediwa malatsi go kgona go feleletsa se o tlaa bong o ikaeletse go se dira gonne go se monate go swa o gadimile kwa morago. Fela loso lo tshwana le dipaka tsa ngwaga gonne fa paka e fela, e sutela e nngwe. Le tshwantshangwa le maungo a ngwaga mme ba ba fulang maungo a, ba a je go ikgotsofatsa ka ba itse gore ba tlaa tlogela tsotlhe tsa lefatshe. Ba ba sa swang ka setlha se se rileng bona ba tlaa leta se se latelang.
- Mothofatso-"Lefatshe la ntshofala la dikologa" – mmoki o gatelela bokao jwa go bontsha ditlamorago tsa loso mo matshelong a batho.
- "Leitlho la me la benya jaaka naledi"- tshwantshanyo - Mmoki o itshupa a tlhaloganya loso. Loso lo tliša selelo le kutlobotlhoko.
- Tshwantshiso –"Maungo a lona ke mefago ya dingwaga"- Mmoki o itshupa a tlhaloganya loso. Loso batho ba tshela le lona, ga ba kitla ba kgaogana le lona.

**[10]****KGOTSA****POTSO 2 (DIPOTSO TSE DIKHUTSHWANE)****MOTLHOKAGAE – LD Raditladi**

- Kutlwelobotlhoko - mmoki o bua fa a se na legae e bile a sotliwa ke batho ba gaabo. (2)
- Ke supa fa di le phepa, tsa me diatla. (2)
- Tshwantshanyo- go bapisa/go tshwantshanya dilo di le pedi kgotsa go feta. (2)
- O kgakala le legae la gagwe - o kwa botennye jwa lefatshe. (2)
- Tshotlego. (2)

**[10]****KGOTSA**

**POTSO 3 (DIPOTSO TSE DIKHUTSHWANE)****NGWAGA O SA NTHATENG KGABAGANYA – JSS Shole**

- 3.1 Mmoki o supa a tshwenyegile/a utlwile botlhoko gonne fa dingwaga di ntse di kgabaganya le ena o a tsofala/kwa bofelong o tlile go tlhokofala. (2)
- 3.2 Go gatelela bokao jwa gore ngwaga ga o lete motho, fa o fetile o fetile. (2)
- 3.3 Mmoki o neile ngwaga maikutlo a botho/ setho go gatelela bokao jwa go dirisa ngwaga ditiro tsa setho. (2)
- 3.4 Le aramele le sa go tlhabetse/dira dilo nako e sa ntse e go letla/maikotlhao ke namane ya morago.  
(Dikarabo tsa batlhatlhojwa di sekasekwe). (2)
- 3.5 Go kgabaganya wena mosakgoreng. (2)
- [10]**

**KGOTSA****POTSO 4 (DIPOTSO TSE DIKHUTSHWANE)****MAHUMAPELO A GA PHOKOJWE – MS Kitchen**

- 4.1 Phokojwe o ngongorega ka ntšwa e e neng e mo ila jaaka motho. Le fa ntšwa e le phologolo jaaka phokojwe, e ema motho nokeng. (2)
- 4.2 Batho ba ba ntlhoileng thata. (2)
- 4.3 Go mothofadiwa ga phokojwe go gatelela bokao jwa ngongorego ya gagwe. (2)
- 4.4 abab – O tlisa keelano ya mela mo lebokong/o tlisa moribo o o rileng mo melathetong ya leboko. (2)
- 4.5 Tlogelo - go somarela mafoko mo moleng  
Poeletsomodumo – go golaganya medumo le ntlhakgolo/go utlwatsa kakanyo le modumo wa se go buiwang ka sona. (2)
- [10]**

**LE**

**POTSO 5 (POTSO YA TLHAMO)**

**ELA TLHOKO:** Mo tthamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 10 go tshwaya tlhamo ya motlhatlhojwa.

***Molalatladi – SS Mokua*****PELO – SS Mokua**

- Mmele o rata pelo gonne o ikaegile ka yona. Pelo e kaiwa jaaka kgosikgolo e e welang dingalo. Pelo e laola dithwe tsotlhe ke ka moo di e ratang mme e tsholelediwe kwa godimo go bontsha tlotlo gonne di se na mosola kwa ntle ga yona.
- Pelo e tlotliwa gonne e tshwere botshelo jwa motho. Go itayaitaya ga yona go lerela batho botshelo mme ba itumele gonne go se ope yo o eletsang go swa. Go ema ga yona go tliša mahutsana le selelo go ba losika ka ntlha ya go latlhegelwa ke batho ba ba ba ratang.
- Pelo e dira le dithwe tse dingwe tsa mmele jaaka sebetse, makgwafo le diphilo, mme mo dithweng tsotlhe tse, pelo ke yona e e laolang.
- Motho o santse a ka tshela le fa a ka latlhegelwa ke leoto, nko kgotsa seatla. Fela fa pelo e ka didimala ga go sepe se se ka dirwang gonne motho o tliše go tlhokofala ka pelo, e leng yona e tshwereng botshelo jwa motho.
- Pelo e tshwantshiwa le kgosikgolo, matlhola-a-di-bona/motlotlegi botshelo jwa motho gonne dithwe tsotlhe di ikaegile ka yona.
- Pelo e mothofaditswe - pelo e filwe maikutlo a setho gonne e dira dilo tse di dirwang ke batho jaaka: "tsamao ya gago, barwarraago, o ratwa ke dithwe tsotlhe"
- Go dirisitswe sekapuo sa tshwantshanyo – O kukelwa godimo jaaka mae- go kaya gore dithwe tsotlhe di tlotla pelo gonne ntle le yona di ka se ka tsa dira sepe ka jalo di e tsholeletse kwa godimo gore go se direge sepe ka yona ka di tla bo di se na mosola kwa ntle ga yona.
- Tlhatlhagano- Tsamao ya gago ke botshelo/kemo ya gago ke selelo.  
Tsamao ya gago ke botshelo/Kemo ya gago ke khuranyo ya meno  
Go gatelela botlhokwa jwa pelo gonne ntle le go ubauba ga yona go se botshelo.
- Neeletsano- Kemo ya gago ke loso.  
Loso lefifi le lentsho- go gatelela bokao jwa se re lebaneng naso  
Sekao: loso, fa pelo e ka ema.

**[10]****KGOTSA**

**POTSO 6 (DIPOTSO TSE DIKHUTSHWANE)*****Boka ke boke* – BD Magoleng****BOROKO – BD Magoleng**

- 6.1 abba - O tlisa keelano ya mela mo lebokong/o tlisa moribo o o rileng mo melathetong ya leboko. (2)
- 6.2 O re wela re sa go solofela. (2)
- 6.3 Boroko sera sa mmele/mosola wa boroko ke go ikhutsa. (2)
- 6.4 Mothofatso-Mmoki o neile boroko maikutlo a botho/setho go gatelela bokao jwa go dirisa boroko ditiro tsa setho. (2)
- 6.5 Poeletsomodumo – e tsamaelana le modumo o o dirwang ke motho fa a robetse. (2)
- [10]**

**PALOGOTLHE YA KAROLO YA A: 30**

**KAROLO YA B: PADI****POTSO 7: *Leba Seipone* – Kabelo Kgatea**

**ELA TLHOKO:** Mo tthamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tiro ya motlhatlhojwa.

- Ka leitlho la motsadi yo o bonelang dilo pele ka mokgwa o o gakgamatsang, mosadimogolo ljelele o ne a baakanya maikutlo le go aga Motswagauteng gore fa a ikobonya kgotsa a ngongorega ka moriri wa gagwe o o sa tshwaneng le wa bana ba bangwe, a itebe mo seiponeng mme a rate, a tlotle le go tshepa motho yo a mmonang mo go sona gonne go se motho ope yo o mosola go feta ena mo botshelong.
- Pule o ne a ema Motswagauteng nokeng ka dinako tsotlhe le go kgalemela Teko le Modise ba ba neng ba sotla Motswagauteng ka go mmitsa ka maina le go mo kgoromeletsa mo molelong.
- Kwa Foreiborogo o kopana le Kabo mme ba thusana ka go bitsa batho gore ba pege mo go bona gore ba ba kgoromeletse dithoto, ba dira madi a mantsi a ba a kgaoganang kwa bofelong.
- Mo tekising ya Huhudi bapagami ba tekisi le mokgweetsi ba ne ba sotla Motswagauteng ka maina le dipuo tsa kgethololo mme Kabo o ne a mo ema nokeng le go emisa tekisi gore ba fologe go efoga dipuo tsa tshotlo tsa bona.
- Motswagauteng o ne a thusa mosadimogolo yo o neng a phamoletswe madi ke tsotsi.
- Batho ba ne ba teketa Motswagauteng mo go maswe.
- Kabo ke ene fela yo o neng a lela le Motswagauteng le go mo ema nokeng ka go mo raya a re a lebe seipone, a leke go boloka motho yo a mmonang mo go sona.
- Kabo o tsamaile a ntse a kgothaletsa Motswagauteng go leba seipone go fitlha kwa bookelong.
- Fa Motswagauteng a le kwa bookelong, Kabo o ne a supa botsala le kemonokeng ya gagwe ka go bofelela kolotsana ya gagwe le ya ga Motswagauteng mo koteng ya lebone la mo mmileng ka keetane.
- Kabo ke ena fela yo o neng a tlhola Motswagauteng kwa bookelong, a mo itsise fa dikolotsana tsa bona di nyeletse, mme a mo netefaletsa fa seipone sone se setse le go mo gomotsa gore mosimane yo o tlaa mmonang mo go sona o tlaa tsoga mo diphateng tse di fisang.
- Kamano e Motswagauteng a nnileng le yone le Kabo e supa fa Kabo a ne a sa tlhaole tsala ya gagwe ka mmala.
- Mo tereneng e e yang Gauteng, fa Motswagauteng a palame terena a se na madi, mosadi yo mokima le batho ba ba leng mo tereneng ba ne ba se ka ba kgetholola Motswagauteng ka mmala mme ba mo kolekela madi a go duela.
- Kwa Gauteng Motswagauteng o tsewa ke *Alberto* le *Salamina* ba ba nnang le ena kwa mekhukhung ya bona kwa ntle ga go mo kgetholola gore ke motho wa mmala.
- Fa Motswagauteng a goroga kwa Rodipoto, Sepoko, moeteledipele wa Tsapitsapi o mo amogela ka diatla tsoopedi kwa ntle ga go mo kgetholola a be a mo ruta magokonyane otlhe a botshelo jwa mo mmileng.
- Sepoko ga a kgetholole Motswagauteng mme o mo eleletsa gore a tsene sekolo.

- Mogokgo wa sekolo sa bosigo o direla Motswagauteng moletlo wa kakgolo kwa ntle ga go mo kgetholola.
- Mosadimogolo Kornei o ne a thapa Motswagauteng le go mo fa dijo a se ka a mo kgetholola.
- Morago ga gore Motswagauteng a ipolele, basadibagolo ba babedi ba mo amogela jaaka leloko la lelapa le go mo rekela diaparo.

[25]

### KGOTSA

#### POTSO 8: *Leba Seipone – Kabelo Kgatea*

- 8.1 Ke rraagwemogolo/motsalammaagwe. (2)
- 8.2 Go mo naya maatla fa botshelo bo le thata/go rata motho yo a mmonang mo seiponeng/go itse gore ga go motho ope wa botlhokwa go feta yo a mmonang mo seiponeng. (2)
- 8.3 Ee - Malomaagwe o ne a mmita lekgalagatsana/balekane ba gagwe ba ne ba mmita lekutwana, morwa/mmla le moriri wa gagwe di ne tsa dira gore a gapiwe ke badiredi ba ga Mokwepa go dira dipheko ka ena. (2)
- 8.4 E ne e le barwa ba motho/barwarre. (1)
- 8.5 O rata nnete le boammaruri - O supeditse mapodisi legodu le le phamoletseng mosadimogolo madi.  
Ga a tseye letlhakore kana ga a gobebele ope - O thusitse mosadimogolo wa mosweu (Dikarabo tsa batlhatlhojwa di sekasekwe). (4)
- 8.6 Sepoko o kgonne go falola lokwalo lwa materiki a ntse a goletse mo mebileng ya Rodipoto.  
Motswagauteng o ne a ikwadisa mo sekolong sa bosigo mme a kgona go falola lokwalo lwa borobedi ka dinaledi. (4)
- 8.7 Ga go a siama gone ba tlhokometse balwetse ba ba tlhokang thuso nako nngwe le nngwe/go ka diragala sengwe se se maswe jaaka tlhaselo go tswa kwa ntle, go ngwega ga molwetse mongwe, molwetse mongwe a ka bolaya yo mongwe ka ntlha ya kgatelelo ya maikutlo. (2)
- 8.8 O ne a bolelela bathapi ba gagwe gore o fetetswe, ntswa a rometse ngwana wa gagwe le *Jankie Smook* kwa gaabo (Motsitlane) go mo ntsha mo matlhong a mosadi wa ga *Jankie Smook* gone fa a ne a ka mmona lelapa le ne le ka thubega. (2)
- 8.9 Ka gore e ne e le ngwana wa lewelana la gagwe/Motswagauteng o thusitse mapodisi go utolola sentlhaga sa ga Mokwepa sa dinokwane tse di bolaileng *Jankie Smook*, morwarraagwe. (2)
- 8.10 Di tsweletsa morero wa tlhaolele ka go re le fa bana ba bantsho le ba basweu ba tsena sekolo mmogo, tlhaolele e nna e ntse e le teng. (2)

- 8.11 Khutsanyana e e sa sweng e letile monono/Go tlhaola batho ka mmala ga go a siama/Tuelo ya bolelo ke loso.  
(Dikarabo tsa batlhatlhojwa di sekasekwe).

(2)  
[25]

### KGOTSA

#### POTSO 9: *Omphile Umphi Modise* – DPS Monyaise

**ELA TLHOKO:** Mo tthamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

- Setswana sa re, "mmangwana o tshwara thipa ka fa bogaleng", mme fela ga go a ka ga diragala jalo ka Motlalepule. Motlalepule o ne a tsiediwa ke lekau la tedu tsa katse mme a ima.
- Le fa a ne a ima ka ntlha ya go tsiediwa jaaka Thandi a ne a rulagantse, mme ena a ne a sa ikaelela, seno ga se reye gore o tshwanelwa ke go isa ngwana kwa legaeng la bana.
- Le fa e ne e se maikaelelo a gagwe a go ima ka a ne a ise a nne mo seemong sa go ka tlamela lesea, se se ne se sa mo fe tetla ya go latlha ngwana gonne fa e sale a isitse ngwana kwa legaeng la bana, ga a ise a ke a tlhole a nna le botshelo jo bo iketlileng.
- Ngwana ga a tshwanela go tswa setlhabelo ka ntlha ya dikgogakgogana tsa bobedi jo bo mo tlisitseng mo lefatsheng. A ka bo a ne a tsaya maikarabelo a go tlamela lesea le, le fa kgotsa a ne a se na madi gonne a ne a tlaa golela mo tlaleng e mmaagwe a neng a le mo go yona gonne bana ba ikgolela fela.
- Motlalepule o tsena mo lenyalong, mme lona la tla pele ga morwae gonne a ne a tshela ka sephiri.
- Ga a bolelele mogatse ka ngwana yo a sa leng a mo isa kwa legaeng la bana ka a ne a tshoga gore o tla senyegelwa ke lenyalo.
- O feleletsa a sa je diwelang ka ntlha ya go tlhorega gonne a se kile a tsaya maikarabelo mo kgodisong ya ngwana wa gagwe.
- Boemong jwa go bolelela monna, o tla ka leano la gore ba ithuele ngwana gonne bana ba sotlega.
- O palelwa ke go fitlhelela se a se batlang ka a ne a itheile a re o tlaa wela ngwana wa gagwe kwa legaeng la bana la Olanti. Fa a ka bo a ne a bolelela mogatse nnete gongwe a ka bo a ne a bona tshedimosetso ya kwa morwae a rometsweng gona.
- Mooki mongwe o ne a leka go mo thusa, mme a se tswe ka nnete.
- Ka ntlha ya go hupa sephiri o feleletsa a kailakaila le mebila ka kgopolo ya gore a ka rakana le morwae.
- O tsamaya a sekaseka bana mo morago ga ditsebe ka tsholofelo ya gore o tlaa bona morwae gonne a mo tshwaile fa morago ga tsebe.
- O feleletsa a bidiwa dinalanyana ka ntlha ya se.
- Go tlhoka go bona morwae go feleletsa go dira gore a gatelelwe ke bolwetse jo bo bakileng gore a selwe mo mebileng letsatsi lengwe le lengwe.
- Ka ntlha ya go tlhoka go iketla o feleletsa a kubugelwa ke bolwetse jwa pelo jo bo neng jwa tsaya botshelo jwa gagwe.

[25]

### KGOTSA



**POTSO 10: *Omphile Umphi Modise* – DPS Monyaise**

- 10.1 Gore a tle a bone fa a letseng a eme gone le mokapelo wa gagwe. (2)
- 10.2 Maikutlo a poifo/kutlobotlhoko. Mowa o ne o le kwa tlase gonne go lebega fa botshelo jwa gagwe bo tshwere ka tlhale, e kete bo ya bokhutlong. (3)
- 10.3 O ne a ratela bana ba gagwe lesedi/thuto. (2)
- 10.4 Kgosi e ne e setse e itsisitswe ka ga tiragalo e, mme pelo ya ga Seagile ya nna botlhoko gonne a ne a gopotse gore ke ena wa ntlha go begela kgosi. (2)
- 10.5 Kgosi o ne a nyoretswe go bona tswelelopele mo morafeng wa gagwe. O ratela morafe lesedi gonne a kile a rafa tswina ya lona mme a utlwa monate. (2)
- 10.6 Lesaka la ga monnamogolo Ofentse le ne la rathwa ke tladi. (2)
- 10.7 Ke kakanyo gonne ke kgopolo fela ya gore o a tlhokofala. (2)
- 10.8 Modise o wela dingalo, mme o tsena mo kotsing e a ka bong a e efogile. (2)
- 10.9 Motlha wa maloba/segologolo, go buiwa ka motshameko wa lefetlho, go lengwa ga masimo, go disa dikgomo, go fetlha pula. (2)
- 10.10 O ne a le bonolo gonne o ne a sa kgadiepetse mosadi wa gagwe le fa a ne a dira dilo tse di makatsang. O ne a na le lerato gonne o ne a dumelana le Motlalepule gore ba ye go batla ngwana yo mongwe kwa kgodisetsong. (4)
- 10.11 Le pelong ga le tshetse/Sephiri se a bolaya. (2)  
(Dikarabo tsa batlhatlhojwa di sekasekwe). [25]

**KGOTSA**

**POTSO 11: Masego – G Mokae**

**ELA TLHOKO:** Mo tlhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

- Ka ntlha ya go tlhoka/dila, Masego o ne a patelesega go nwa bojalwa ntswa a itse gore ga a bo batle maikaelelo e le go leka go kgotsofatsa tsala ya gagwe gonne a ne a mo thusa ka dilo di le dintsi tse a neng a di tlhoka ka a ne a tswa kwa lelapeng le le itsholetseng.
- Ka e ne e se monwi wa bojalwa, o ne a feleletsa a latlhegetswe ke tlhaloganyo morago ga go itshiela mme a idibala.
- Tse dingwe tse di mo diragaletseng bosigong joo ga a di itse gonne o ne a di bolelelwa ke *Sanah*.
- O ne a senyegelwa ke sekolo ka ntlha ya go boela kwa morago ka dikgwedi gonne a ne a betelelwa mo go bona bosigo jwa loeto lwa sekolo lwa kgaisano ya mmimo ka a ne a ijetse mo go feteletseng.
- O ne a ikaelela go belega lesea le a le imileng gonne le se na molato le na le tshwanelo ya go tshela mme tshwanelo eo e sa tshwanelwa ke go thibelwa ka ntlha ya sebe sa batsadi ba lona ba ba tlhokileng maikarabelo.
- O ne a tshwanelwa ke go tsoga bosigo, metsotso e le masomeamararo morago ga ura ya boraro maikaelelo e le go tshwara setimela sa ntlha mo mosong go ya kwa tirong go tlamela morwae ka e ne e le motsadi a le esi, gore morwae a fitlhelele mo a sa kgonang go fitlhelela gona gonne ena a paletswe ka ntlha ya go palelwa ke go tlhopa tsala ya nnete. O ne a dira jaana go leka go fatela morwae kwa maburung.
- O ne a tshola Sello ka letsogo le le popota gonne a sa batle gore le ena a nne lelata la basweu jaaka go diregile ka ena.
- O ne a sa eletse fa a ka kgopiwa mo botshelong ka jalo o ne a mo tsosa mo mosong fa a tsoga a sa dira ditiro tse a neng a mo laetse go di dira, jaaka go ntsha mpaola pele a robala, go reka leokwane, go lotlela setswalo, go netefatsa gore o mo gae ka ura ya borataro maitsiboa le go ikgaoganya le dipolotiki.
- Masego o ne a dira jaana ka go leka go tsaya kgakololo ya ga rraagwe ya gore a betlele morwae bokamoso jo bo phatsimang. A nne le maikarabelo mo lemphorwaneng la gagwe.
- Mo letsatsing la gagwe la go raelesega, mo a neng a nwa bojalwa thata go fitlha a idibala, e ne e le la ntlha le la bofelo a atamelana le motho wa senna go fitlha a bo a kopana le *Vusi*.
- O ne a tlhoa kamano ya motho wa senna gonne a ne a ikaelela go tlhokomela mmaagwe le morwae.

**[25]****KGOTSA**

**POTSO 12: Masego – G Mokae**

- 12.1 Kutlobotlhoko – go supa fa *Schalk* e ne e se motho wa nnete. (2)
- 12.2 Go tsweletsa morero ka gore go tsoga kgotlhang ka ntlha ya fa base *Schalk* a sa diragatse ditsholofetso tsa gagwe mo go Tsawe tse ba di dirileng mmogo le rre Motsepe. (2)
- 12.3 O bofitlha-fa a ne a sa tshwarwa mogatse a ka bo a sa itse gore ngwana wa ga Tsawe o kobilwe mo polaseng ka ntlha ya go imisiwa ke *base Schalk*. (3)
- 12.4 Nnyaya – gonne o santse a le dingwaga tse di kwa tlase go ka robalana/ga a tshwanela go letla madi go mo ema pele go tlhoka go lemoga se se siameng. (2)
- 12.5 Ga o a tshwanela go swa ka sephiri. (2)
- 12.6 Nnyaya – go ne go sa siama gonne go bontsha fa Tsawe a dumelana le se *base Schalk* a se dirileng/Tsawe o ne a mpampetsa molato wa ga *base Schalk*.  
Ee – gonne ke tshwanelo ya rre mongwe le mongwe go tlamela ngwana wa gagwe. (2)
- 12.7 MmaSontaga o ne a amogela lelapa la ga rre Motsepe le morwadie kwa ga gagwe morago ga go kobiwa kwa polaseng/o ne a boela a bonela Masego tiro/o ne a gomotsa le go tlhola Masego kwa bookelong fa a ne a imile e bile a teketilwe ke rraagwe mo go maswe. (4)
- 12.8 Tsholo e e makgwakgwa ya go itewa fa pele ga badiri-ka-wena bogolosegolo ba o leng moeteledipele wa bona. (2)
- 12.9 Go tlhodilwe ke ka ntlha ya fa a bolaile mosweu mme mo pusong ya maloba katlholo ya se, e ne e le go kalediwa. (2)
- 12.10 Gonne *base Schalk* ga a ka a diragatsa maikaelelo a gagwe a go tlamela ngwana. (2)
- 12.11 Ee, gonne boitshoko bo tsala boitumelo. Masego yo o simolotseng ka tshotlego o feleletsa ka boitumelo.  
Sello o kgonne go itshokela ditsuatsue tsa botshelo go fitlha e nna ngaka. (2)

**[25]****PALOGOTLHE YA KAROLO YA B: 25**

**KAROLO YA C: TERAMA****POTSO 13: *Matsapa di a tsaya kae?* – SS Mokua**

**ELA TLHOKO:** Mo tthamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

**SEKOROPOLAPA**

- Mo terameng e, go tlhagelela kgotlhang magareng ga Mafenya le Nkefi ka ntlha ya fa a ne a ipala mabala a kgaka mo go ena, mme a mo gana ka a ne a ikantse Ntope ntsa a ne a nyetse.
- Mafenya o romela Dikobe go mmuelela mo go Nkefi ka a mo tlwaetse gonne ba tsene sekolo mmogo, mme ga retela gonne a ne a kaya fa Mafenya e le sekoropolapa e bile e se wa maemo a gagwe gonne a na le madi a sa tlhoke sepe.
- O kaile fa a na le dilo tsotlhe jaaka ntlo e e leng ya gagwe e bile rraagwemogolo e le kgosi mo Lefurutshe.
- A feleletsa ka go bolelela Dikobe gore ka lengwe la malatsi o tla kopana le monna yo o ratwang ke ena.
- Kgotlhang e, e pheulwa ke phefo gonne Dikobe o tlhobosetsa Mafenya gore ga go fa Nkefi a mmayang gona gonne fa lekgarebe le ka feleletsa le bitsa lekau sekoropolapa go raya gore ga a mo kaya jaaka sepe, ka jalo a ipatlele yo mongwe.
- Mafenya a fetsa ka gore o itumelela kgakololo ya tsala ya gagwe gonne Setswana sa re: "se nkganang se nthola morwalo", mme a tswa mo go Nkefi a tswela ka botshelo mme a feleletsa a inyaletse Matlhodi.
- Go ratana ga ga Ntope le Nkefi go tlhola kgotlhang mo lelapeng la gagwe
- Kgotlhang e tlhagelela fa gare ga Ntope le mogatse mme mogakatsa kgotlhang ke Nkefi gonne a ratana le Ntope ntsa a itse gore o nyetse.
- Nkefi ka a itse a na le dilo tsotlhe, o tlhakatlhakanya lelapa la ga Ntope. Ntope o na le dilotlele tsa kwa ga gagwe.
- Mo malobeng jaana go ne go le tsheko e tona kwa gaabo mogatsa Ntope ka ntlha ya go tlhoka go naya mosadi lorato ga ga Ntope ka a lebeletse Nkefi.
- Fa ba ntse ba tsweletse ka lerato le la bona, ka bomadimabe Ntope o amega mo kotsing ya sejanaga mme fa Dikobe le Mafenya ba ya go mo lekola, boemong jwa go fitlhela mosadi wa ga Ntope kwa bookelong ba fitlhela Nkefi yo a ineeletseng monna wa mosadi yo mongwe ntsa a ganne monna yo a ka bong a mo nyetse.
- Morago ga malatsi a se makae Ntope o a tlhokofala. Fa Ntope a se na go tlhokofala Nkefi o amega mo a neng a patelesaga go isiwa kwa ngakeng ka a ne a idibala.
- O ne a lela go feta le mogatsa moswi. Beke yotlhe e ne ya fela a sa ye tirong a nnetse selelo jaaka e kete Ntope o ne a mo nyetse.
- Morago ga loso lwa ga Ntope, Nkefi o sala a nnetse selelo mme a se na yo o ka mo gomotsang.
- O ne a sala a le esi, go se na monna yo o neng a ka mo atamela ka gonne mogomotsi wa gagwe e bong Ntope a tlhokofetse.

- Mafenya yo le ena a neng a mmita sekoropolapa, o ne a dule mo go ena e bile a setse a nyetse.
- Se se neng se mo saletse e ne ya nna yona phafana e a neng a e dira mogomotsi wa gagwe, mme le yona ya dira tiro ya yona ya go mo tseela bontle le go mo tlogela a onetse jaaka e kete ga a ise a ke a gadimiwe gabedi fa makau a ne a fapaana nae mo metlheng ya gagwe.

[25]

**KGOTSA****POTSO 14: *Matsapa di a tsaya kae?* – SS Mokua**

- 14.1 Ke motho yo o nang le nnete/ga a dire dilo fela ka ntlha ya go batla tiro. (2)
- 14.2 Gore a ba batlele motho yo o ka nnang le go tlhola le mosadimogolo.  
Yo o ka ba tlhokomelelang mosadimogolo.  
Yo o ka ba tlhokomelelang bana ba babedi. (3)
- 14.3 Nomalanga ke motho yo emang ka lefoko/tshwetso ya gagwe ka se a dumelang gore ke boammaaruri/Nomalanga a ka tswa a tsere tshwetso e e fosagetseng gonne batho ba sa tshwane. (2)
- 14.4 Nnyaya – Moremi o ne a itshwara senna tota a se ka a raelesega go ratana le Nomalanga jaaka re tle re bone go dirwa mo metlheng ya gompiano. (2)
- 14.5 Maikutlo a kutlobotlhoko gonne a latlhegetswe ke motho yo ba neng ba dirile botsalano jo bo neng bo rena mo dipelong tsa bona. (2)
- 14.6 O tshepa monna wa gagwe-gonne ga a ka a belaela gore a ka nna le kgolagano nngwe le Nomalanga. (2)
- 14.7 Go tlhodile loso lwa ga mosadimogolo ka gonne botshelo jwa gagwe e ne e kete bo ikaegile thata ka thuso ya ga Nomalanga. (2)
- 14.8 Go tlisa ditiragalo tsotlhe tsa terama kwa bokhutlong ka gonne fa a ne a ka bo a diretse mooki ditiragalo di ne di tle go tswela pele. (2)
- 14.9 Baoki ga ba tshole badiredi ba bona sentle.  
Baoki ba a boulela ka jalo megopolo ya bona e nna e ntse e le kwa gae fa ba le kwa tirong. (2)
- 14.10 Motho yo o siameng gonne o batletse ba ga Moremi mothusi wa nnete yo o maikarabelo/motho yo o dikgakololo gonne o tsibosa Naniki go kgona go rua lelapa la gagwe. (2)
- 14.11 Ga se gantsi o fitlhela monna a thusa mosadi go dira ditiro tsa mo lapeng jaaka fa Moremi a ne a thusa Naniki go anega diaparo mo terateng/Motho fela a ka go thusa go gaisa mogaeno yo o antseng letsele le ena jaaka Nomalanga wa kwa Swatsing o ne a direla lelapa la ga Moremi ka botswapelo. Nomalanga o ganne go direla mooki Matlhare ka ntlha ya fa baoki ba sa tshware badiredi ba bona sentle.  
(Dikarabo tsa batlhatlhojwa di sekasekwe). (4)

[25]

**KGOTSA**

**POTSO 15: Ga se Lorato – MJ Magasa**

**ELA TLHOKO:** Mo tlhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

- Go ne go le mosetsana yo Motsamai a neng a na le kgatlhego mo go ena mme a bolelela badirimmogo nae ka ga ena. Gosekwang o ne a utlwela Motsamai botlhoko mme a mo naya maele a gore ga a batle go mo latlha gonne e le tsala ya gagwe ya boammaaruri.
- O ne a mo eletsa gore a itse gore ke rre wa lelapa mme e bile basetsana ba gompiano go sa tshamekelwe mo go bona segolobogolo jaaka Motsamai a setse a ikgoletse jaana.
- O ne a mmolelela gore a ka tloga a mo jela madi mme a sala a iphotlhere a se na sepe mme lapa la gagwe la bolawa ke tlala.
- Motsamai o ne a solofetsa Gosekwang fa a itse se, mme fela a tlaa leka ka natla go itisa gore kgang ya mothale o e se ka ya direga.
- Lenkapere o ne a nna kgatlhanong le kgang e, mme a mo kgala gore a se ke a dira tiro ya mofuta oo.
- O ne a mo eletsa gore a ele dilo tlhoko, mme a lepe dilo gonne lorato lo sa bone mme fa le tla go tuka le ka go lebatla maikano.
- Motsamai o kaela Lenkapere gore dilo dingwe di thata go ka di itlhokomolosa.
- Lenkapere o ganana le kakanyo ya ga Motsamai gonne go ne go sa bue mosimanyana mme go bua rre wa lelapa yo ba solofetseng dikgakololo mo go ena.
- Lenkapere le Gosekwang ba ne ba fetsa ka gore Motsamai o batla go itlhakatlhakanyetsa botshelo. Ba ne ba mo makalela fa a le mogolo jaana mme a na le kgatlhego mo leseeng.
- Motsamai ga a ka a tsaya kgakololo ya bona ka a ne a gopola fa ba batla go mo lomeletsa, mme a ratana le *Angeline*.
- Gadifele o ne a lelela kwa lelapeng la ga Selapo gore o fetogetswe ke monna, ga a itse kwa a nnang le gore a o sa ntse a dira ka ga a bone tuelo epe.
- Ba tshela ka tshotlego ka a tlhola a ba raya a re o kgothositswe, o godisitse le go duela dithekete tsa *TPA*.
- Gadifele o ne a kopa rre Selapo go buisana le Motsamai ka a ikaelela go boela kwa gaabo fa go sa siame mo lapeng.
- Mantsho o ne a lopa Gadifele gore a se boele gae, mme ba tlaa potlakela Motsamai go bua le ena.
- Selapo o ne a tsogelela Motsamai mo mosong wa Sontaga mme a se ka mo fitlhela ka a ne a longwa ke lelapa la gagwe.
- Selapo a tsaya matsapa a go leletsa Motsamai mogala a mo kopa gore ba kopane ka Sontaga.
- Ka Sontaga rre Selapo o kopana le Motsamai le go mmotsa gore mathata ke eng fa Gadifele a re ga a tsholega mo lelapeng.
- Motsamai o bolelela rre Selapo gore a mo tswela ka ntlo ka a laolwa ke mosadi e bile Gadifele a belwa ke mpa ka gore o a ja, o a nwa.
- Motsamai o sotla rre Selapo ka gore a ka nna a dira Gadifele mosadi wa bobedi ka gore baruti ba nyala lefufa.
- Motsamai o ntsha rre Selapo ka lelapa la gagwe ka ngoba e sa fothwa.

- Gadifele o leka ka dinako tsotlhe go gakolola Motsamai gore ena o fetogile motlholagadi le mogatsa ntlo ka gore monna wa gagwe o nna mo nageng, ga a ke a mmona mo gae.
- Gadifele o ne a botsa Motsamai gore go tla jang gore fa ba theogetse bosigo ena Motsamai a se ka a bona madi a go dira morago ga tiro.
- Gadifele o ne ka dinako tsotlhe a leka go gakolola Motsamai gore letsatsi lengwe lefatshe le tla mo fetogela, mme o tla ba gopola ka nako eo ka ba tla bo ba sa tlhole ba lala ka sego sa metsi.

[25]

**KGOTSA****POTSO 16: Ga se Lorato – MJ Magasa**

- 16.1 Motsamai o tsene mo lelapeng la ga Kefentse ka nako e Kefentse a neng a neile *Gladys* nako ya go ipatla a ipatlisisa mme *Gladys* ena a tlhakatlhakanyetsa go ya pele. (2)
- 16.2 Maikutlo a tenego a go sa ipone molato/phoso/go sa ikokobeletse monna wa gagwe Kefentse/go sa tlotle monna. (2)
- 16.3 O ne a tshwanetse go duela Kefentse R10 000,00, mme o solofetsa go duela R500,00 kgwedi ka kgwedi.  
O ne a kobiwa jaaka ntšwa mo lelapeng la ga *Gladys*.  
O tswile a itshopere fela a sa tsaya sepe kwa ga *Gladys*. (3)
- 16.4 Gadifele ga a ka a ineela fa Motsamai a ne a itirela fela.  
O ne a tshegetsa bana ba gagwe ka dinako tsotlhe le go kopa thuso mo baagisaneng le Moruti Selapo (2)
- 16.5 *Gladys* o kaya gore ke motho o a tshela.  
O na le madi le nama.  
Ga a ka ke a nna fela a re o letile Kefentse yo a sa itseng gore o tla boa leng. (2)
- 16.6 Ee, gonne fa motho a go senyeditse o tshwanetse go go tlhatswa diatla.  
Nnyaya, o tlogetse lelapa la gagwe a inaya naga.  
Fa a bona diphetogo mo ntlong ya gagwe ke gona a akanyang go boela mo lapeng. (2)
- 16.7 Ke ntlha- Kefentse o ne a nyetse ka semolao. (2)
- 16.8 Ee, gonne Motsamai ga a bolo go tshameka le go sotlaka ka lelapa la gagwe ka jalo o bona tuelo ya seo kwa bofelong. (2)
- 16.9 O tlhodilwe ke go boela ga ga Kefentse kwa lapeng la gagwe. (2)
- 16.10 O matlhomantsi - o ratana le banna ba bantsi  
O jela banna madi - o ne a kopa Motsamai go mo tlhabololela ntlo le go epela metsi. (4)
- 16.11 Ga o a tshwanela go sotla lelapa la gago/Bonnweenwee ga bo busetse/ Monna o tshwanetse go nna le maikarabelo a lelapa le tiro ya gagwe. (Dikarabo tsa batlhatlhojwa di sekasekwe). (2)

**PALOGOTLHE YA KAROLO YA C: 25**  
**PALOGOTLHE: 80**

**RUBORIKI****1. PUO YA GAE****1.1 RUBORIKI YA GO TSHWAYA DITLHAMO TSA MABOKO**

| <b>Ruboriki ya go tshwaya ditlhamo tsa Poko Puo ya Gae (Maduo 10)</b>                                    | <b>Puo</b><br>Kagego, tatelano ya dintlha le tlhagiso, puo, segalo le setaele se se diritsweng mo thamong | <b>Phitlhelelo ka dinaledi</b>  | <b>Phitlhelelo ka matsetseleko</b>  | <b>Phitlhelelo e e tletseng</b>   | <b>Phitlhelelo e e itumedisang</b>  | <b>Phitlhelelo ka tekano</b>   | <b>Phitlhelelo e e potlana</b>  | <b>Ga a fitlhelela</b>  |
|--|---|---|---|---|---|--|---|---|
|  |   | -Popego e e nyalelanang.<br>-Matseno le bokhutlo jwa maemo a a kwa godimo.<br>-ngangisano e e bopegileng, puo, segalo le setaele se se tlhotlhegileng mme se nepagetse. | -Tlhamo e e bopegileng sentle.<br>-matseno a a itumedisang le bokhutlo.<br>-ngangisano le mola wa kakanyo o o bonolo go ka latelwa.<br>-puo, segalo le setaele se se nepagetseng.<br>-tlhagiso e ntle tota. | -Popego e e siameng le ngangisano e e welang.<br>-matseno le bokhutlo le ditemana tse di nyalelanang sentle.<br>-kwelano ya ngangisano e ka latelwa.<br>-puo, segalo le setaele se se napagetseng mo go rileng. | -Bosupi jwa popego bo a bonagala.<br>-Tlhamo a tlhabela tatelano ya dintlha.<br>-Diphoso tsa puo ga di dintsi.<br>-Segalo le setaele di a tsamaisana.<br>-Di temana batlile di siama. | -Popego e na le diphoso.<br>-Ga go tatelano ya dintlha.<br>-Diphoso tsa puo di a bonala.<br>-Segalo le setaele ga di tsamaelane le maikaelelo a se se kwadilweng.<br>-Ditemana di tletse diphoso | Popego e e bokoa.<br>-Dintlha ga di latelane.<br>-Diphoso tsa puo le setaele go supa kwalo e e bokoa.<br>-Segalo le setaele ga di tsamaelane le lekwalo.<br>-Ditemana di na le diphoso. | Setlhogo ga se tsamaisane le diteng.<br>-Ga go bopaki ba letlhomeso le tatelano ya dintlha.<br>-Puo e e bokoa.<br>-Setaele le puo e e fosagetseng.<br>-Ditemana ga di a agega sentle. |
| <b>Diteng</b><br>Go naya thanolo ya setlhogo, boteng jwa ngangisano, bosiamisi le go tlhaloganya leboko. |   |   |   |   |   |  |   |   |



|   |                              |   |  |   |                             |                             |                             |                            |
|---|------------------------------|---|--|---|-----------------------------|-----------------------------|-----------------------------|----------------------------|
| <b>Phitlhelelo ka dinaledi</b><br>-Boteng jwa thanolo ya setlhogo, dintlha tsotlhe di tlhotlhomisitswe<br>-dinaledi/bontlentle: 90% + bontle tota 80 – 89%:-  | <b>7</b><br><b>80 – 100%</b> | <b>7</b><br><b>80 – 100%</b><br><br><b>8 – 10</b> | <b>6</b><br><b>70 – 79%</b><br><br><b>7 – 7½</b> | <b>5</b><br><b>60 – 69%</b><br><br><b>7 – 8</b> | <b>4</b><br><b>50 – 59%</b> | <b>3</b><br><b>40 – 49%</b> | <b>2</b><br><b>30 – 39%</b> | <b>1</b><br><b>0 – 29%</b> |
| <b>Phitlhelelo ka matsetseleko</b><br>-Matsetseleko a setlhogo, dintlha tsotlhe di tlhotlhomisitswe.<br>-dintlha tsotlhe di sekasekwe   | <b>6</b><br><b>70 – 79%</b>  | <b>7½ – 8½</b>                                    | <b>7 – 8</b>                                     | <b>6½ – 7½</b>                                  | <b>6 – 7</b>                |                             |                             |                            |
| <b>Phitlhelelo e e tletseng</b><br>-Dikarabo dingwe di tsamaelana le setlhogo mme ngangisano/kganetso ga e maleba.<br>-O paletswe ke go araba dipotso<br>-Dintlha dingwe ga di na bopaki go bontsha fa di tsamaelana le setlhogo.<br>-Bokoa thata mo ditlhangweng le mo lebokong. | <b>5</b><br><b>60 – 69%</b>  | <b>7 – 8</b>                                      | <b>6½ – 7½</b>                                   | <b>6½ – 7½</b>                                  | <b>5½ – 6½</b>              | <b>5 – 6</b>                |                             |                            |

|  |                             |  |              |                |                |                |                |              |
|--|-----------------------------|--|--------------|----------------|----------------|----------------|----------------|--------------|
| <b>Phitlhelelo e e itumedisang</b><br>Dikarabo dingwe di tsamaelana le setlhogo mme ngangisano/kganetso ga e maleba.<br>-O paletswe ke go araba dipotso<br>-Dintlha dingwe ga di na bopaki go bontsha fa di tsamaelana le setlhogo.<br>-Bokoa thata mo ditlhangweng le mo lebokong.          | <b>4</b><br><b>50 – 59%</b> |  | <b>6 – 7</b> | <b>5½ – 6½</b> | <b>5 – 6</b>   | <b>4½ – 5½</b> | <b>4 – 5</b>   |              |
| <b>Phitlhelelo ka tekano</b><br>-Maiteko fela a go araba dipotso.<br>-Maiteko a go araba dipotso a a kwa tlasenyana.<br>-Dikarabo tsa setlhogo.<br>tse di sa tsepamang.<br>-Kganetso e e sa totang ya bosiamisi jwa leboko.<br>-Moithuti ga a ise a tlhaloganye setlhangwa le leboko sentle. | <b>3</b><br><b>40 – 49%</b> |  |              | <b>5 – 6</b>   | <b>4½ – 5½</b> | <b>4 – 5</b>   | <b>3½ – 4½</b> | <b>3 – 4</b> |

|   |                             |  |  |  |              |                |               |               |
|---|-----------------------------|--|--|--|--------------|----------------|---------------|---------------|
| <b>Phitlhelelo e e potlana</b><br>-Bokoa jwa go tlhaloganya setlhogo.<br>-Poeletso ya dikarabo nako nngwe go latlhegelwa ke karabo.<br>-Ga go na kganetsano e e tseneletseng.<br>Thanolo e e fosagetseng.<br>-Setlhangwa se se bokoa e le tota.                           | <b>2</b><br><b>30 – 39%</b> |  |  |  | <b>4 – 5</b> | <b>3½ – 4½</b> | <b>3 – 4</b>  | <b>1 – 3½</b> |
| <b>Ga a fitlhelela</b><br>-Dikarabo dingwe di tsamaelana le setlhogo mme ngangisano/kganetso ga e maleba.<br>-O paletswe ke go araba dipotso.<br>-Dintlha dingwe ga di na bopaki go bontsha fa di tsamaelana le setlhogo.<br>-Bokoa thata mo ditlhangweng le mo lebokong. | <b>1</b><br><b>0 – 29%</b>  |  |  |  |              | <b>3 – 4</b>   | <b>1 – 3½</b> | <b>0 – 3</b>  |

**1.2 RUBORIKI YA GO TSHWAYA DIPOTSO TSA DITLHAMO, PADI LE TERAMA**

Ela tlhoko pharologano ya maduo a a abetsweng diteng go tsamaelana le popego le puo.

| <b>DIKHOUTU LE KABELO YA MADUO.</b> |                                    | <b>DITENG [15]<br/>Thanolo ya setlhogo, boteng jwa ngangisano, netefatso le go tlhaloganya sekwalo.</b>  |                                    | <b>POPEGO LE PUO [10]<br/>Popego, tatelano ya dintlha le tlhagiso.<br/>Puo, segalo le setaele se se dirisiwang mo ditlhamong.</b>   |
|-------------------------------------|------------------------------------|--|------------------------------------|---|
| <b>Khoutu 7</b>                     | <b>Phitlhelelo ya dinaledi</b>     | <ul style="list-style-type: none"> <li>-Boteng jwa thanolo ya setlhogo, dintlha tsotlhe di tlhotlhomisitswe.</li> <li>-Thwadi ya dikarabo: 90% + bontle tota jwa dikarabo 80 – 89%:</li> <li>-Motseletsele wa ngangisano e e maleba e ikaegile ka sekwalo/setlhogo.</li> <li>-Ditlhangwa le sekwalo se se tlhalogantsweng ka phitlhelelo e e gaisang thata.</li> </ul> | <b>Phitlhelelo ya dinaledi</b>     | <ul style="list-style-type: none"> <li>-Popego e e nyalelanang.</li> <li>-Matseno le bokhutlo jwa maemo a a kwa godimo.</li> <li>-Ngangisano e e bopegileng sentle tota, puo, segalo le setaele se se tlhotlhegileng mme se nepagetse.</li> </ul>                                     |
| <b>80% – 100%</b>                   | <b>12 – 15 maduo</b>               |  | <b>8 – 10</b>                      |   |
| <b>Khoutu 6</b>                     | <b>Phitlhelelo ya matsetseleko</b> |  | <b>Phitlhelelo ya matsetseleko</b> |   |
| <b>70 – 79%</b>                     | <b>10½ – 11½ maduo</b>             | <ul style="list-style-type: none"> <li>-Matsetseleko a thanolo ya setlhogo. Dintlha tsotlhe di tlhotlhomisiwe.</li> <li>-Dikarabo ka botlalo.</li> <li>-Tatelano ya ngangisano e e utlwagalang e filwe.</li> <li>-Go tlhaloganya ditlhangwa le sentle.</li> </ul>  | <b>7 – 7½</b>                      | <ul style="list-style-type: none"> <li>-Tlhamo e e bopegileng sentle.</li> <li>-Matseno a a itumedisang le bokhutlo.</li> <li>-Ngangisano le mola wa kakanyo o o bonolo go ka latelwa.</li> <li>-Puo, segalo le setaele se se nepagetseng.</li> <li>-Tlhagiso e ntle tota.</li> </ul> |
| <b>Khoutu 5</b>                     | <b>Phitlhelelo e e tletseng</b>    | <ul style="list-style-type: none"> <li>-Dikarabo dingwe di tsamaelana le setlhogo mme ngangisano/kganetso ga e maleba.</li> <li>-O paletswe ke go araba dipotso</li> <li>-Dintlha dingwe ga di na bopaki go bontsha fa di tsamaelana le setlhogo.</li> <li>-Bokoa thata mo ditlhangweng le mo lebokong.</li> </ul>   | <b>Phitlhelelo e e tletseng</b>    | <ul style="list-style-type: none"> <li>-Popego e e siameng le ngangisano e e welang.</li> <li>-Matseno le bokhutlo le ditemana tse di nyalelanang sentle.</li> <li>-Kwelano ya ngangisano e ka latelwa.</li> <li>-Puo, segalo le setaele se se napagetseng mo go rileng.</li> </ul>   |
| <b>60 – 69%</b>                     | <b>9 – 10 maduo</b>                |  | <b>6 – 6½</b>                      |   |
|                                     |                                    |  |                                    |   |

|  |  |  |   |  |
|--|--|--|---|--|
| <b>Khoutu 4</b><br><br><b>50 – 59%</b> | <b>Phitlhelelo e e itumedisang</b><br><br><b>7½ – 8½ maduo</b> | -Thanolo ya setlhogo e e mo magareng ga e tlhotlhomise dintlha tsotlhe.<br>-Go na le dintlha tse di tshegetsang setlhogo.<br>-Dingangisano di a tshegetswa mme bopaki ga bo a tota.  | <b>Phitlhelelo e e itumedisang</b><br><br><b>5 – 5½</b> | -Bosupi jwa polelo bo a bonagala.<br>-Tlhamo e tlhabela tatelano ya dintlha.<br>-Diphoso tsa puo ga di dintsi.<br>-Segalo le setaele di a tsamaisana.<br>-Ditemana di batlile di siama.          |
| <b>Khoutu 3</b><br><br><b>40 – 49%</b> | <b>Phitlhelelo ya tekano</b><br><br><b>6 – 7 maduo</b>         | -Maiteko fela a go araba dipotso.<br>-Maiteko a go araba dipotso a a kwa tlasenyana.<br>-Dikarabo tsa setlhogo.<br>tse di sa tsepamang.<br>-Kganetso e e sa totang ya bosiamisi jwa leboko.<br>-Moithuti ga a ise a tlhaloganye setlhangwa le leboko sentle. | <b>Phitlhelelo ya tekano</b><br><br><b>4 – 4½</b>       | -Popego e na le diphoso.<br>-Ga go tatelano ya dintlha.<br>-Diphoso tsa puo di a bonala.<br>-Segalo le setaele ga di tsamaelane le maikaelelo a se se kwadilweng.<br>-Ditemana di tletse diphoso |
| <b>Khoutu 2</b><br><br><b>30 – 39%</b> | <b>Phitlhelelo e e potlana</b><br><br><b>4½ – 5½ maduo</b>     | -Bokoa jwa go tlhaloganya setlhogo.<br>-Poeletso ya dikarabo nako nngwe go latlhegelwa ke karabo.<br>-Ga go na kganetsano e e tseneletseng.<br>thanolo e e fosagetseng.<br>-Setlhangwa se se bokoa e le tota.  | <b>Phitlhelelo e e potlana</b><br><br><b>3 – 3½</b>     | -Paakanyo e e bokoa.<br>-Dintlha ga di latelane.<br>-Diphoso tsa puo le setaele go supa kwalo e e bokoa.<br>-Segalo le setaele ga di tsamaelane le lekwalo.<br>-Ditemana di na le diphoso.       |
| <b>Khoutu 1</b><br><br><b>0 – 29%</b>  | <b>Ga a fitlhelela</b><br><br><b>0 – 4 maduo</b>               | -Dikarabo dingwe di tsamaelana le setlhogo mme ngangisano/kgametso ga e maleba.<br>-O paletswe ke go araba dipotso.<br>-Dintlha dingwe ga di na bopaki go bontsha fa di tsamaelana le setlhogo.<br>-Bokoa thata mo ditlhangweng le mo lebokong.              | <b>Ga a fitlhelela</b><br><br><b>0 – 2½</b>             | -Setlhogo ga se tsamaisane le diteng.<br>-Ga go bopaki ba letlhomiso le tatelano ya dintlha.<br>-Puo e e bokoa.<br>-Setaele le puo e e fosagetseng.<br>-Ditemana ga di a agega sentle.           |